

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Dialogorum sacrorum Libri Quatuor**

**Châteillon, Sébastien**

**Basileae, 1565**

iosua

**urn:nbn:de:bsz:31-102436**

## SENTENTIA.

Et pij interdum falluntur. Nam quo minus sunt ipsi maliciosi, eo facilius credunt alijs, eos existimantes ex suo ingenio. Itaq; cauenda pijs est credulitas: & cum columbina simplicitate coniungenda est serpentina astucia.

IOSVA. Ios. 24.

## ARGVMENTVM.

Iosuz concio ad populum, in qua commemorat Iouz erga ipsos beneficia: & populus sese Iouz seruiturum promittit.

Iosua, Populus.

**A**vdite uniuersi Israelita, quamobrem iusserim uos huc conuocari, & quid Ioua Deus Israelitarum iusserit me uobis effari. Maiores uestri olim incoluerunt trans flumen, uidelicet Thara pater Abrahami & Nachoris, colueruntq; deos peregrinos. Ioua aut illinc euocauit Abrahamum, autore generis uestri, eumq; perduxit per omnes fines Chanaanorum, & auxit progeniem eius: deditq; ei Isaacum, Isacco autem Iacobum & Esauum. Esau assignauit Seir montem possidendu. Iacobus, eiusq; liberi descenderunt in Aegyptum. Ibi cum creuissent in gentem magnam, numerosamq; & potentem, diuexabantur ab Aegyptijs: sed Deus Aegyptios mire infestauit, tandemq; eductos ex Aegypto

gypto Israclitas deduxit ad mare rubrū. Quò Aegyptijs & quadrigarijs & equitibus persequentibus eos, inuocauerunt Iouam, qui illos arcuit à uobis densa quadā caligine: immissoq; mari, eos demersit, spectantibus oculis uestris tam inaudita facinora. Cum autē diu māfissetis in solitudine, introduxit uos in fines Amorraeorū trāstordaninorum: eosq; bellū uobis inferētes, subegit uobis: eisq; concisis, dedit uobis possessionem eorum agri. Exiit deinde Balacus Sefhoris filius, Moabitarum rex, qui uos bello lacefferat: accersiuq; Balaamū filiū Phegoris, qui uobis imprecaretur diras. Sed a noluit Deus audire Balaamum, cōuertitq; imprecationē eius in faustam precationē, & uos tutatus est à manu illius. Ita traiecto Iordane, peruenistis ad Hierichuntem: & bello resistentes Hierichuntios, & reliquos populos superauistis auxilio Dei: qui, quasi nris ante uos uestis, egit uobis in fugā duos reges Amorraeorū, nullo uestro uel ense, uel arcu: uobisq; dedit & agrū non uestro labore cultū, & urbes ab alijs quā à uobis edificatas, quas incolitis: uineisq; & oliuetis, quæ non seruistis, uiuistis.

<sup>b</sup> Quib. de causis ueremini Iouam, eumq; uerē & sincerē colite: & auferte deos, quos maiores uestri coluerunt trans fluiuium, & in Aegypto. Quòd si non placet uobis seruire Ioue, dispicite hodie utrū scriburi sitis dijs, quibus seruierunt conditores uestri

a Hinc appret, Balaam uoluisse imprecari Iſraelitis.

b Aequū eum colique quo tot beneficiis ac peris.

uestri trans flumen: an dijs Amorreorum, quorū  
fines habitatis. Nam ego quidem, & domus mea,  
seruimus Iouē. P. O. Absit, ut omissio Ioua, seruiamus  
alij dijs. Nam Ioua Deus noster est. Hic edu-  
xit nos, maioresq; nostros, ex Aegyptia seruitute.  
idem fecit in oculis nostris mira illa miracula, &  
nos custodiuit in omni itinere quod confecimus, &  
inter omnes nationes per quas iter fecimus: fuga-  
uitq; nobis omnes gentes, & Amorreos incolas.  
Nos quoq; colimus eū est enim Deus noster. I. O.  
Non poteritis colere Iouam. est enim Deus sacro-  
sanctus, Deus riuialis impatiēs: non feret uestra de-  
licta & peccata. Quod si eo relicto coletis deos  
peregrinos, auertetur: & uos non minus multis  
malis conficiet, quā ante bonis affecit. P. At eum  
colimus. I. O. Ergo testamini, uos deligere uobis  
Iouam ad colendum? P. O. Testamur. I. O. Itaq;  
tollite deos istos peregrinos, & expiate animos ue-  
stros Iouae, Deo Israelitarum. P. O. Iouam Deum  
nostrum colimus, & ei dicto audientes erimus. I.  
Igitur consignabo haec literis, & erigā hoc ingens  
saxū sub hac quercu, quod testis erit (utpote d quod  
audiuerit omnia Iouae ad uos dicta) si forte fregeri-  
tis fidem Deo uestro.

## SENTENTIA.

Deo seruatori, bonorumq; datori, serui-  
ti debet.

IAEL

Vt Ioua co-  
tur, abijci  
di sunt pe-  
grini dij.  
am duob.  
ominis ser-  
re non pos-  
sis.  
orsens ac-  
tasi testis  
sit, perin-  
ae si audi-  
uerit.